

善本書室藏書志

善本書室藏書志卷十三

錢塘丁丙松生甫輯

史部八

大唐六典三十卷

明嘉靖刊本

御撰集賢院學士兵部尚書兼中書令修國史上柱國開國公臣
李林甫等奉敕注

是書以三司三公三省九寺五監十二衛列其職司官佐敘其
品秩以擬周禮唐會要載開元二十三年張九齡撰是書後至
二十七年林甫乃注成獨上之末有左文林郎充溫州州學教
授張希亮校正又紹興四年七月右宣教郎知溫州永嘉縣主
簿勸農公事詹楓題識云唐六典載古者制度備因革成一王
書可爲後世標準比絳兵火版在闕中文槧承乏永嘉得本於
州學教授張公同以白太守徽學新安程公一見肅然曰周公

之典可謂設官分職以爲民極蓋具體矣能廣其傳朝廷於焉若稽縉紳於焉矩儀士子於焉講究一舉三得不亦偉歟因命張公校正訛闕而核募工鏤版云云明正德乙亥四月王鑒序刻於蘇郡此爲嘉靖甲辰長至浙江按察司校錄重刊者

麟臺故事殘本三卷補鈔二卷影鈔本

紹興元年七月朝請郎試祕書少監程俱記

前有紹興元年九月十九日奉聖旨依奏劄送程舍人文一道後有俱序一篇卷一爲官聯選任卷二爲書籍校讐卷三爲修纂國史書凡五卷祇存三卷黃丕烈從西畝草堂影錄卷後隆慶元年八月十日蘇州府前杜氏書舖收一行丕烈云的係錢叔寶手蹟尤可寶也 四庫館臣從永樂大典中輯爲全書今錄所輯第四卷之沿革省舍儲藏職掌恩榮祿廩並補遺十三條以足五卷之數

中興館閣錄十卷續錄十卷

盧抱經寫校本

館閣錄宋陳騭撰續錄無撰人名氏騭字叔進台州臨海人紹興二十四年進士第一慶元初官知樞密院事兼參知政事忤韓侂胄提舉洞霄宮卒諡文簡宋史有傳陳振孫書錄解題云淳熙中騭長蓬山與同僚錄建炎以來事爲此書李燾爲之序續錄者後人因舊文而增附之云云與此悉合正續皆分九門曰沿革省舍儲藏修纂撰述故實官秩廩祿職掌今關正錄之沿革續錄之廩祿後有乾隆四十二年盧文昭識云卷或脫亡篇第或顛錯無可補正游侶楊万里之名自是本來如此他人則有作似作萬者而此二人獨不爾可據之以正宋史并有嘉慶十一年十一月二十四日靈石山樵施紹武閱重校一過一條惜盧校本已殘以別鈔補完

宋宰輔編年錄二十卷 十萬卷樓王氏鈔本

宋太常博士徐自明著

自明字誠甫號慙堂永嘉人零陵郡守博士其初官也是錄起建隆戊午迄嘉定乙亥凡宋世宰輔拜罷與中書樞密二府平章事參知政事樞密使知樞密院事同知僉事樞密院事皆著其名位詳其始末寶祐間自明子居誼刻於永福縣學日漸久佚明嘉靖中大興呂邦耀得鈔本於焦弱侯處中缺二卷足以周藩所藏殘本復刊有寶祐間陸德輿及宗正趙某陳昉章鏐原序四篇又萬厯間陳邦瞻馮盛明呂邦耀孟習孔王惟儉朱勤美重刊序六篇末有嘉慶丁巳八月假張東白藏本寫明年三月十四日校完宗炎記於小學樓題字並蕭山王氏十萬卷樓藏書印

洎熙玉堂雜記三卷

明翻宋本 馬笏齋藏書

宋周必大撰前有壬寅八月自題云必大試館職時太上稱其

文論宰執陳公康伯朱公倬云他日令掌制今上受禪兩月自
六察擢左史初對玉音云向在王邸覓卿詞科擬制雅宜代言
不旋踵遂兼三事其後兩入翰苑首尾十年自權直院至學士
承旨皆徧爲之歲月既久凡涉典故及聞見可紀者輒筆之洎
熙庚子進位二府因命小子綸哀爲一編僅得三十餘條釐爲
三卷或可附洪氏翰苑羣書後云又紹熙元年樵溪丁朝佐識
云茲如武林得玉堂雜記中興以來九重之德美前輩之典型
恩數之異同典故之沿革皆因事而見尤不可不傳手鈔一通
藏於家又紹熙二年眉山蘇森題云玉堂雜記間有舛誤每苦
難讀近訪丁懷忠觀甘泉書藏懷忠不知森有此書出以見示
森曰明月夜光天下所同寶也子獨能私有之乎亟假其本而
參訂之觀此兩跋足以見其大凡矣必大字子充廬陵人紹興
二十一年進士中宏詞科歷官右丞相拜少傅進益國公諡文

忠宋史有傳

祕書監志十一卷

舊鈔本

右書前空三行未署撰人名氏翟氏鎮琴銅劍樓書目有此題
銜今錄之云承務郎祕書監著作郎東平王士點繼志承事郎
祕書監著作佐郎曹州商企翁繼伯同編所記自至元迄至正
凡祕書建置遷除典章故事一山備載司天監亦附錄焉其中
紀錄多神史學後記錄字數日凡五萬六千五百有三

翰林記二十卷

舊鈔本

汪魚亭藏書

香山黃佐

是書自洪武迄正德嘉靖以來翰林掌故悉載之標目凡二百
二十六條本末賅具唐宋元明四朝詞林故事大略具此矣有
汪魚亭藏閣書一印

南廡志二十四卷

明刊本

洪武元年改京學爲國子學轉博士進祭酒十五年改建於雞
鳴山之陽三月改國子學爲國子監永樂元年北京始設國子
監志名南廡者別北京稱也景泰七年祭酒吳節創志一十八
卷自爲序嘉靖初祭酒崔銑續而未就此嘉靖二十三年甲辰
南海黃佐重加修訂體例一仍吳舊一至四卷爲事紀五六兩
卷爲職官表七八兩卷爲規制攷九十兩卷爲謨訓攷十一十
二爲禮儀攷十三十四爲音樂攷十五十六爲儲養攷十七十
八爲經籍攷十九至二十四爲列傳並纂修凡例九條其中經
籍攷則助教梅薦成之所敘梓刻本末尤爲詳核朱緒曾開有
益齋集有跋語

南京太僕寺志十六卷

明嘉靖刊本

是書明雷禮撰前有嘉靖三十年十二月纂修公移右關本寺
少卿雷及雷關復本寺文禮字必進豐城人嘉靖壬辰進士官

至工部尙書著有明大政記六朝索隱兩書此則官南京太僕寺少卿時所作其凡例稱首載洪武以後歷朝論旨次以事例官司轄屬規制丁田種馬草場冊籍俸祿九門而終以列傳遺文嘉靖辛亥全椒戚賢吳郡章煥爲前序其後序已闕其名按四庫存目祇存十一卷草場以下全佚非完書矣此則至十六卷無關遺文中亦非如顧存仁太僕寺志文錄載漢之天馬歌唐杜甫之驄馬行雜冗不倫也

皇明太學志十二卷

明刊本

嘉靖三十六年賜進士朝列大夫國子監祭酒前司經局洗馬翰林院國史修撰同修大明會典經筵講官晉高平郭盤纂修并序曰聖祖武功定天下建學崇儒成祖並設北雍教學益備迨今頒敬一箴四箴注乃知心學婉美唐虞伏覩先聖先賢撤象立主之義啟聖專祀之祠從祀黜陟之典皆至仁達孝之所

推也建學以來百八十年因循廢缺之事過半矣司業王公自南均來相與議增修之慨然以爲已任據南北兩志而並攷之又搜索於文移制度之間未載者增之已載者酌之曰典制曰謨訓曰禮樂曰政事曰論議曰人材分爲一十二卷並各立序目於前

土官底簿二卷 鈔本

是書備載明正德以前諸土司官爵世系承襲削除等事殆當時案牘之文所載雲南土司百五十一家廣西土司百六十七家四川土司二十家貴州土司一十五家湖廣土司五家廣東土司一家共三百五十九家其官雖世及而請襲之時必以並無世襲之文上請所奉進止亦必以姑准任事仍不世襲爲詞殆體式相沿如是且以示駕馭之權不容其據譜而索故物也朱彝尊鈔自海鹽鄭氏不言作者爲誰雖所列皆前代一時苟

且之制而建置原委一一可徵焉

右職官類官制之屬

臣軌二卷

舊鈔本

右爲唐武后撰前有御製序云近以暇辰遊心策府聊因煒管
用寫虛襟故綴敘所聞以爲臣軌一部想周朝之十亂爰著十
章思殷室之兩臣分爲兩卷上卷爲國體至忠守道公正匡諫
下卷爲誠信慎密廉潔良將利人凡十章唐會要云長壽二年
三月則天自制臣軌兩卷令貢舉人習業停老子又云中宗神
龍二年二月二日赦文天下停習臣軌依前習老子書唐藝文
志崇文總目鄭樵通志藝文略所載卷帙並同宋史不著錄書
久湮佚儀徵阮文達得日本活字版本影寫進呈內府列之
彙經室外集提要此則鈔本耳

山屋百官箴六卷

明刊本

門人李夢科編次裔孫許汧許鎬校正

宋許月卿撰月卿字太空更字宋士婺源人理宗朝進士應承直郎浙西運幹賈似道當國試館職言不合罷去閉門著書號泉田子宋亡卧一車中十年不出而卒是書卷一月卿自撰進百官箴表文序文及百官箴次第謂大衍之數五十其用四十有九虛一者太極也中庸曰所以行之者一也四十九箴非此一孰行之一者何真實無妄也所謂誠也所謂太極也所謂道心也卷二百官箴緣起次指歸次施用次用韻次諱劄卷三至卷六自左丞相至太子太孫師友僚屬凡四十九箴明嘉靖乙未新安潘滋撫蜀重鋟並爲後序上海陸深時爲蜀吏更序之越三年乙酉高陵呂柟又序

三事忠告四卷

明洪武刊本

前有總目曰廟堂忠告自修身至退休子目凡十曰風憲忠告

自身律至全節子目凡十曰牧民忠告自拜命至居閒子目凡
十牧民忠告題齊東野人張養浩有至正十五年宣城貢師泰
序風憲忠告不題銜名有至正乙未林泉生序蓋養浩爲縣令
爲御史時所著也廟堂忠告則題資善大夫陝西諸道行御史
臺中丞張養浩有洪武二十三年膺東布政使參議靳頤序蓋
入中書時所著也其先各自刊行此洪武二十七年五羊陳璉
永嘉張士謬並序而合刊者也養浩字希孟號雲莊濟南人官
至禮部尙書諡文忠元史有傳前有明善堂珍藏書畫印安善
堂藏書記兩印

右政書類官箴之屬

史部九

通典二百卷

明嘉靖刊本

唐京兆杜佑君卿

佑萬年人以蔭補濟南參軍事歷官至檢校司徒同中書門下平章事加太保謚安簡唐書有傳先是劉秩倣周官之法摭拾百家分門詮次作政典三十五卷佑以爲未備因廣其所闕參益新禮勒爲此書分類八門曰食貨曰選舉曰職官曰禮曰樂曰兵刑曰州郡曰邊防每門仍分子目自序謂旣富而教故先食貨行教化在設官任官在審才審才在精選故選舉職官次焉人才得而治以理乃興禮樂故次禮次樂教化墮則用刑罰故次兵次刑設州郡分領故次州郡而終之以邊防所載上溯黃虞訖於唐之天寶肅代以後間有沿革亦附載注中此書前有唐左補闕李翰序云今通典之作採五經羣史上自黃帝至於有唐天寶之末每事以類相從舉其始終歷代沿革廢置及當時羣士議論得失靡不條載附之於事淮南元戎之佐曰尙書主客郎杜公君卿雅有遠度志於邦典以大歷之始實纂斯

典杜公亦自爲序引各冠篇首云是書爲明嘉靖十八年方獻夫重刊連江王德溢秀水吳鵬同校不增宋儒議論較李刻爲近古有墨樵圖記

杜氏通典二百卷

明刊本

明鄭端簡公藏書

唐京兆杜佑君卿纂明御史後學李元陽仁甫校刊

前有唐左補闕李翰序天文地理兩圖歷代傳繼圖五帝至宋代世次紀年十五圖唐書杜佑本傳及增入宋儒議論姓氏校刻官生姓名此書每卷附諸儒議論自歐陽脩至葉適共二十一家卽從元刊通典詳節本增入卷一百後舊有大德丁未李仁伯跋稱錦山楊公牧臨川乃命諸學院協力刊成自廿六至百共七十五卷區區點勘再四凡正一千七百六十八字刪三百廿三字增三百八十八字今雖佚去不可不知也李元陽雲南人曾刊十三經注疏等書有浙西鄭曉園書印曉字室甫號

淡泉海鹽人嘉靖二年進士歷官刑部尙書隆慶初贈太子太保謚端簡明史有傳

建炎以來朝野雜記甲集二十卷乙集二十卷

舊鈔本 馬笏齋藏

宋李心傳撰心傳字微之性傳道傳弟并研人慶元初開戶著書以薦賜進士爲史館校勘官至禮部侍郎宋史入儒林傳是書上集分上德郊廟典禮制作朝事時事雜事故事官制取進士選舉學校財賦兵馬邊防十三門成於嘉泰二年心傳自序下集亦十三門而無郊廟析邊防爲邊事成於嘉定九年自又爲序卷首列宜取繫年要錄指揮二道國史院公牒一件又無名氏序一篇而無書坊標白之語較聚珍所刊卷一恭淑韓皇后條八月下多歸于邸第封新安郡夫人十六年三月封崇國夫人卷六近歲堂部用闕條末多小使臣初用五年一月戊申吏部請用李闕慶元六年閏六月半闕許之雙行夾注廿八字

卷十六營田條農器下多以之別細四字卷十八四川廂禁民兵數條此乾道之籍也上多而民兵保甲不仰給者八萬餘人興元良家子條實備他用下多又私置鹽店六所及收諸津渡鹽稅以給馬紹熙末楊嗣勳申嚴鹽法奏言本府自有義士廂禁軍良家子四十五字川秦買馬條多小注歲收茶帛數五字下集卷十三愛王之叛條末多小注明昌六年本朝慶元元年承安四年本朝慶元六年作此錄後數年乃見有記虜中事者以愛王爲鄒王允恭之子按允恭乃原王璟之父洎熙十六年三月密劄下沿邊諸州避其名諱甚詳昔以爲鄒王後甚誤矣八十餘字卷十七四川收兌九十一界錢引條不能守其初約也下多所謂大制司二百萬緡者其半以三路鹽井戶月額每三萬斤料賣不理選限將仕郎一道計直千緡三路十七州共賣一千道計直百萬緡其半則以給賣後官鹽井舊民戶沒官

之并自建炎以來依坊場法召人投買除引息土產稅錢外量
增課息嘉定元年逢孺給從總領所人中口爲業得錢數十萬
緡至是口心司以爲計司連於求售酬未當直所召人寔封投
買又得錢近百萬緡初不令悉輸舊引于官以充口口之人一
百七十字其餘小注誤入正文及一二脫落之字不能指數勝
聚珍遠甚此本殆從宋時成都辛氏刊本而出歟有馬玉堂印
笏齋二印

建炎以來朝野雜記甲集二十卷乙集二十卷

舊鈔本
藏書

吳氏繡谷

前有嘉泰二年冬秀崑野人李心傳伯微自序云渡江以來明
君良臣名儒猛將之行轡而未彰七十年間兵戎財賦之源流
禮樂制度之因革有司之傳往往失墜甚可惜也乃輯建炎至
今朝野所聞之事不涉一時利害與諸人得失分門著錄凡六
百有五事又有宣取繫年要錄指揮史院文牒數通國史院實

錄院等官銜姓又記云是書蜀都李氏刊行已久今依宋本摹刻以廣其傳但其間有事涉忌諱者不敢不隱幸鑒似元代坊刻之辭今聚珍本刊爲四十卷李氏函海重刊之此則趙清常假雋弱侯宋本臨鈔經吳尺鳧許宗彥先後收藏凡存前集十四卷後集十七卷前集又缺卷三至卷十四十二卷乃與聚珍本敘次稍異今以漢唐齋馬氏精鈔本補缺卷以成全璧張月霄藏書志有宋刊殘本六卷版心記一十至十五等字殆與此本相同也有繡谷亭主瓶花齋吳焯之印尺鳧諸印

慶元條法事類八十卷附開禧重修尙書吏部侍郎右選格二卷鈔按直齋書錄解題曰嘉泰條法事類八十卷天台謝深甫子肅等嘉泰二年表上初吏部七司有條法總類淳熙新書旣成孝宗詔倣七司體分門修纂別爲一書以事類爲名至是以慶元新書修定頒降此書便於檢閱引用惜乎不併及刑統也蓋初

題嘉泰者舉其奉詔之時復題慶元者據其成書之日實一書而異名耳闕卷一卷二卷十八至二十七卷三十三至三十五卷三十八至四十六卷五十三至七十二共闕四十四卷末附開禧吏部右選格二卷蓋卽宋史所載開禧重修七司法文淵閣書目著錄二十冊尙未殘闕之本

文獻通考三百四十八卷

元刊本

鄱陽馬端臨貴與著

端臨江西樂平人宋宰相廷鸞仲子咸淳中漕試第一以父忤賈似道去國因留侍養不與計偕元初起爲柯山書院山長終於台州儒學教授是書以杜佑通典八門廣爲一十有九而增經籍帝系封建象緯物異五門共爲二十四門所述事迹上承通典下迄南宋甯宗分條排纂具有剪裁前有至大戊申鄱陽公門下士李謙思序又端臨自序延祐六年宏文輔道粹德真

人王壽衍進書表至治二年饒州路總管府下樂平州刊印通攷捐揮至元又五年江浙等處儒學提舉余謙敘紀云馬端臨述文獻通攷於家泰定元年省雕置於西湖書院越十有一年予統學南邦因蒞杭閱究其文或譌或逸時端臨既歿厥壻楊元長教於東湖因俾造厥嗣志仁詢取先文用正斯失至則就俾元偕西湖長方員率學者正之圖梓未諧又踰年中書遣訪典籍乃遂舊圖俾儒士葉森董正梓工按王壽延進書表題延祐六年延祐爲元仁宗年號輟耕錄載壽延字眉叟杭州人出家爲道士受知晉邸後以宏文輔道粹德真人管領開元官所云晉邸者元史仁宗嘗出封懷州卽今懷慶本晉地也但進書應在訪書之後而書中所載訪書文移反稱至治二年至治爲英宗年號英宗以延祐七年卽位明年方改元至治書中所刊或係至大之譌訪書疑在武宗時耳版式闊大每半葉十三行

行二十六字

文獻通攷三百四十八卷

明內府刊本

鄱陽馬端臨貴與著

此本爲明嘉靖三年所刊世宗有序已闕惟留元至治二年訪文獻通攷文移及端臨自序世宗以是書有益於世特命司禮監重刻板寬字大寫刻極工

文獻通考三百四十八卷

明刊本

鄱陽馬端臨貴與著

前有至大戊申七月旣望李謙思養吾序延祐六年四月王壽衍進書表至治二年六月饒州路總管府下樂平州刊印通攷指揮端臨自序目錄至元又五年三月江浙等處儒學提舉余謙敘紀明正德戊寅愼獨精舍栞行木記版式狹小每半葉十二行行二十五字王壽衍主佑聖觀如趙子昂輩皆與往還也

大元聖政國朝典章六十卷附新集至治條例

吳氏補花齋鈔本
許氏鑑止水齋藏書

不著撰人姓名前集有大德七年中書省劄節文准江西奉使
宣撫呈乞照中統以至今日所定格例編集成書頒行天下照
得先據御史臺比及國家定立律令以來合從中書省爲頭一
切隨朝衙門各司體究成否庶官吏有所持循政令不致廢弛
已經通行合屬依上施行去訖今據見呈仰照驗施行其新集
有大元聖政典章自中統建元至延祐四年所降條畫版行四
方已有年矣欽惟皇朝政令誕新朝綱大振省臺院部恪遵成
典今謹自至治新元以迄今日頒降條畫及前所未刊新例類
聚梓行使官有成規民無犯法其於政治豈小補云瓶簞齋後
人吳城記云是編自元世祖起至英宗止分聖政一門吏戶禮
兵刑工六門而一門之中又分別若干條以類編次多元史所
未備者五朝典章可謂詳悉無遺然每條名目與總目多未相

符工部一門僅存造作一條餘俱散失蓋鈔本流傳歷年久遠
殘闕失次不亦宜乎有西泠吳氏吳城敦復三印卷面題繡谷
插架又墨筆題云嘉慶辛酉嚴秀才杰持以相示用錢一萬二
千買歸鑑止水齋藏有德清許氏陔華堂藏書許氏子詠二印
大明會典二百二十八卷 明內府刊本

首宏治十五年御製序次正德四年御製序次萬曆十五年御
製序次宏治正德嘉靖萬曆四朝詔諭又纂輯引用書目又開
報文冊衙門又宏治間凡例又嘉靖間續纂凡例又萬曆四年
張居正等請敕禮部編輯事例送館劄子又萬曆間重修凡例
又萬曆十五年申時行許國王錫爵等進書表文又重修諸臣
銜名按 四庫著錄爲一百八十卷本 天祿琳琅所收則爲
此本明會典始修於宏治重訂於正德嘉靖時復加參補增入
宏治十六年以後事例至萬曆間又增入嘉靖二十八年以後

條例校刊成書嘉靖間雖經校輯實未刊頒故世宗獨無御製序文

右政書類通制之屬

大唐開元禮一百五十卷

舊鈔本

右爲唐太子太師同中書門下三品兼中書令蕭嵩等奉敕撰嵩後梁明帝之裔也唐書有傳是書前載周必大序凡例三卷吉禮七十五卷賓禮二卷軍禮十卷嘉禮三十卷凶禮三十卷按通典新舊書禮志稱唐初禮司本無定制臨時專定開元中王巖請刪削禮記舊文益以今事張說奏禮記不刊之書難以改易請取貞觀顯慶禮折衷異同以爲唐禮詔散騎常侍徐堅等撰述未就至蕭嵩爲學士復奏起居舍人王仲邱等撰次成書唐之五禮始備宋孝宗時詔刻周必大序即撰於此時版久不存天祿琳琅後目有影宋鈔本字極宏朗此寫本前載新

唐書禮樂志唐書藝文志集賢注記書錄解題唐會要太平治
述通類文獻通攷等條以備參證者間有朱筆改正之字

太常因革禮一百卷

舊鈔本 何夢華藏書

推忠協謀佐理功臣光祿大夫行尚書吏部侍郎參知政事上柱
國樂安郡開國公食邑三千三百戶實食封八百戶臣歐陽修等
奉敕編

按原有進書序此本已佚後李壁序存晁氏讀書志題姚闢蘇
洵撰此書云嘉祐中歐陽修言禮部文書放軼請禮官編修六
年用張洞奏以命闢洵至治平二年乃成詔賜以名宋時禮書
有開寶通禮禮閣新編均佚此書未經採進 四庫阮文達撫
浙時始行進 御學經室外集可攷也向缺五十一至六十七
凡十二卷書分八類曰總例曰吉禮曰嘉禮曰軍禮曰凶禮曰
廢禮曰新禮曰廟議始建隆迄嘉祐巨細畢載歐公序謂以通

禮爲主而記其變凡變者皆有所沿於通禮也其無所沿者謂之新禮通禮所有而建隆以來不復舉者謂之廢禮凡始立廟皆有議論謂之廟議其餘皆用通禮條目凡百篇有何元錫印蝶隱園印錢唐何氏夢華館嘉慶甲子後所得書諸印

政和御製冠禮十卷五禮新儀二百二十卷

舊鈔本

前有政和新元三月一日徽宗御製序又尙書省牒議禮局知樞密院事鄭居中等劄子諸臣銜名末則題特進知樞密院事榮陽郡開國公食邑四千七百戶實封八百戶臣鄭居中是書蓋居中奉敕撰也又崇寧大觀政和御筆指揮若干件御製冠禮十卷冠於首後列吉賓軍嘉凶五禮凡官民之制悉爲詳載原闕第七十四卷第八十至九十卷第一百八至一百十二卷第一百二十八至一百三十七卷第二百零卷皆有目無書其第七十五九十一九十二三卷中亦有殘闕是書歷七載始成北

宋典章略備於斯自未可因道君不道遂弁髦視之也有相軒

主人藏書印

歷代紀年十卷

舊鈔本

汪秀峯馬笏齋藏書

晁氏

是書見於玉海外直齋書錄解題云濟北晁公邁伯符撰詠之子也嘗爲提舉常平使者其自序當在紹興七年又讀書敏求記云晁氏歷代紀年始之以正統次之以封建僭據再次之以盜賊夷狄道書而後以最歷代年號終焉紹興壬子樂清包履常爲之鈐木流傳十駕齋養新錄云清熙乙未七月晁子綺後序及包履常跋云公邁號傳密居士提舉廣東常平據子綺序稱族父下世後二十有四載當紹興之辛巳余在廣州見公邁題名云紹興九年歲在己未二月初吉當卽以其年卒予所見南宋槧本闕第一卷以包跋證之蓋唐虞三代至兩漢也子

藏書志卷十三

古

綺字仲皓又昭文張金吾藏云末附最國朝典禮一卷載太祖至淵聖樂舞宮殿南郊太廟封泰山祀汾陰拜陵幸學大赦德音等事而終之以祖宗神御在京師者原注云元稿無此目止附見逐朝冊葉界行外今存卷末云云有開萬樓藏書印漢唐齋笏齋馬玉堂諸印

紹熙州縣釋奠儀圖一卷

鈔本

宋朱子撰

紹興二十五年朱子官同安主簿以縣學釋奠舊例止以八吏行事求政和五禮新儀於縣無之乃取周禮儀禮唐開元禮紹興祀令參攷畫成禮儀器用衣服等圖訓釋辨明纖微必備是爲初稿洎熙寧復列上數事雖定議仍格不下紹熙五年又鉤校刪剔定爲四條以附州案俾後學官是爲最後定本首官牒次釋奠儀注次禮器圖至今七百年來春秋二丁大概沿用此

書惟所列兩廡從祀有呂祖謙張栻名位朱子已不及見當屬
後人隨時附益耳

大金集禮四十卷

精寫本

吳尺鳬藏書

不題撰人姓氏前後亦無序跋據黃虞稷千頃堂書目明昌六年禮部尙書張瑋等所進其書分類排纂具有條理自尊號冊諡以及祠祀朝會燕饗諸儀燦然悉備原闕第廿六卷第三十三卷第六卷悼平皇后篇第廿七卷立仗篇第十二卷至十七卷俱有闕文此本前有雍正元年中秋繡谷手題云竹垞檢討評脫脫等修三史金爲差善余謂金舊聞放失遺集傳世者略無數家論其義例嚴整稍優於二史如云該括一朝事蹟吾未之信也此編始太祖終世宗其後章宗明昌六年張瑋等進大金儀禮豈此編後更續耶抑史遺之耶文獻可徵藉是不少又云禮先圓丘而後方丘編中脫去郊儀原編必不應爾不僅廟

祭之闕文也校對金史禮志頗多牴牾隔代述史全在攷證舊聞況朝家著作安可遺佚三史之蕪陋此其大較矣焯鈐有述古遺音蟬螭兩印案彭元瑞曰此書在元時已非全帙矧五百年後乎余前後校三過庶幾成善本矣

大金德運圖說一卷

鈔本

右館臣從永樂大典錄出金貞祐二年尙書省集議金初用金德尙白色泰和二年更用土德至是更令所司集議言應爲土德者四人應爲金德者十四人仍無定論此卽當時案牘也

廟學典禮六卷

鈔本

其書不著撰人姓氏又無序跋雜鈔案牘未經修飾而有元代廟學之制措置規畫梗概俱存足與元史相參攷後列應繙繹之字句數十條盡中有蒙古語未盡改去者也

大明集禮五十三卷

明嘉靖內府刊本

前有嘉靖九年六月望日御製序曰大明集禮我高祖高皇帝之所製所謂吉凶軍賓嘉五禮也吉禮者首以祀典及朝會凶禮也喪葬之類軍也賓也嘉也各寓以戎事朝聘婚姻等類莫不詳備允爲萬世法程昨歲禮部請刻布中外俾人有所知見乃命內閣發祕藏令其刊布以彰一代之制云按洪武三年徐一夔梁寅等奉敕撰原五十卷初係寫本此重修增爲五十三卷每葉下均有儒士某某寫故書極圖潤刻亦精湛耳

明異典述五卷

明刊本

吳郡王世貞元美述

前有序曰夫異典者何以非常典也當高帝時取天下於元勢不得有所更革開闢甫始庶事草創往往進止一時之念而遂爲制雖異非異也自是而後始稍稍爲制束矣然或不無一時之好而有所登進或不攷於絜令之舊而有所抵忤或言路

敢於新進而不暇詳或曹局迫於奉行而不暇執施之者爲常而得之者爲異也余故志而編之凡五卷聊以備稗官一采耳版心下有世經堂刊四字

明藩府政令六卷

明刊本

果親王府舊藏

禮部尙書臣白鉞上儀制清吏司郎中臣皇甫錄輯編

前有華陽山人吳郡皇甫冲序云高皇帝肇造天地四海初定思有以深根本固維翰乃分二十四王立官設屬樹兵置衛使外禦不軌內清君側猶懼其位高勢重於是有輔導之官制節之令朝謁之儀名封之請而又申之以昭鑒之錄其爲計慮也大且周先朝典章火於宏治間於是鉤沈搜逸摛散核叢綜其要約凡三百餘條號曰藩府政令別類爲三一曰事宜一曰條章一曰格例上之竟得俞旨著爲令甲又有皇甫濂序及禮部題疏一道正德四年十二月二十三日奉聖旨准議行一道後

有吳興郡教授華亭沈東校正跋語按范氏天一閣有藩府政
令有卷鈔本又有宗藩條例二卷翰林學士李春芳奏進又有
宗藩議一冊不知與此本如何出入耳有果親王府圖書記成
親王兩印果親王名宏瞻 憲廟第七子也卒諡曰恭成親王
爲 純廟第十一子名永理有詒晉齋儲藏舊刻書籍宋元書
畫爲一時冠卒諡曰哲

紀年類編四卷

明刊本 葉東原藏書

東吳袁仁良貴甫彙緝男袁黃坤儀增訂

前有歷代紀年雜議一篇爲袁黃所撰稱吾父參坡先生見國
朝年號多犯前代舊章遂徧稽國史下至裨官野紀靡不檢閱
歷十餘年猶未脫草蓋慎之也予欲續成先志凡批閱書史有
闕年號者輒隨筆謹識所增者殆十之三編分五類曰正統始
漢文帝後元年終明神宗萬歷曰僭僞始王莽終明玉珍曰亂

賊始公孫述終劉通曰外夷始阿保機終吐蕃曰總類如三字
之始建國四字之太初元將六字之天授理法延祚天字之天
漢天鳳元字之元光元朔神字之神爵神廟乾字之乾明乾封
開字延字永字光字景字寶字咸字皇字長字建字太字大字
仁字興字平字甯字初字嘉字龍字隆字康字明字昌字通字
承字宣字陽字章字麟字文字河字庚字同字重字貞字端字
弘字清字清字中字武字紹字始字保字鳳字壽字泰字慶字
聖字地字政字正字會字上字順字孝字漢字德字玉字白字
赤字人字應字昇字燕字國字露字至字義字黃字廣字普字
顯字崇字化字雍字和字洪字每字自二三至於數十皆類而
識終爲單字無重者洵是紀元之祕笈矣寫刻俱極精雅卷首
有煥翁印漢陽葉氏平安館印

晉陵元嶽張宏道成儒修菴張疑道明儒同朝

前有賜進士及第翰林院修撰儒林郎直起居注纂修國史東宮日講官瑯琊焦竑撰序宏道疑道皆武進人當雁行也其書專紀明代鄉會殿試之元魁鼎甲或非元魁而後至貴顯及一門科名極盛者亦載焉始洪武三年庚戌鄉試終萬曆四十七年己未會試並每科具詳京省主試官

皇朝大臣謚述錄四卷

鳴野山房鈔本

餘姚邵晉涵編

謚法攷不一編第載某官某名某謚及某年所予此自藩王額駙民公侯伯子男大學士尚書侍郎學士左都御史內大臣總督巡撫將軍提督總兵都統參領八旗世職殉難道凡一百九十餘人各敘仕履事實晉涵具有史才書亦流傳甚少自可存也

右政書類典禮之屬

重刊救荒活民補遺書二卷 明萬厯刊本

宋董煟編著元張大光新增明江陰朱熊補遺維揚徐蕃新安畢懋康重訂

煟字季興鄱陽人紹興五年進士嘗官瑞安縣著爲此書上卷攷古以證今中卷條陳救荒之策下卷備述名賢議論施行以垂法戒著錄於四庫明正統間江陰朱維吉熊因煟原編二百七十八條至王炳翻刊已止二百一十四條乃重加攷訂增益至三百三十八條上自唐虞三代以及漢唐宋元君臣論答凡有益於救荒者錄之間附論斷并錄明代詔敕及爲善陰隲書有關於荒政者悉爲編入名曰補遺一時如胡濙王直李時勉陳循趙琬均爲撰序楊溥張益爲後跋正德庚辰中丞許公又刻之於浙新安唐舉又序之此萬厯四十年翻刻四庫列

入存目

大元海運記二卷

鈔本

羅鏡泉藏書

右胡書農學士敬輯自永樂大典蓋本元天曆二年敕著經世大典之海運一門也上卷分年紀事自至元十九年迄皇慶二年止多錄案牘之文而延祐至治泰定天厯間事不載當是永樂時先有闕佚下卷分類紀事曰歲運糧數曰收江南糧鼠耗則例曰南北倉鼠耗則例曰再定南北糧鼠耗則例曰排年海運水腳價鈔曰漕運水程日記標指淺曰測候潮汛應驗曰艘數裝泊海運爲有元一朝規制初則江浙以外兼之江西湖廣大德以後專運江浙春夏兩運自四萬六千餘石增至三百萬石攷元時江浙省財賦府歲入四百四十九萬四千七百八十三石則江浙全漕亦不盡充海運矣此羅廣文以智從胡本傳錄自跋於後有武林羅氏校本印

明通寶義一卷

明萬曆刊本

張燕昌藏書

明羅汝芳撰前有萬曆乙亥汝芳自序先是戊辰孟春汝芳守
甯國府時已撰此義及督屯滇省固五金窟也於幣之鑄爲最
便因出是編梓之又有董裕一序舊爲文魚張燕昌收藏手題
跋語 四庫書目尙有廣通寶義一卷此已佚也燕昌字芭堂
號文魚海鹽人貢生嘉慶元年舉孝廉方正

右政書類邦計之屬

唐律疏議三十卷

舊鈔本

邵二雲藏書

唐長孫無忌等撰

唐太宗詔房元齡等增損隋律降大辟爲流者九十二流爲徒
者七十一而大旨多仍其舊高宗卽位又命長孫無忌等偕律
學之士撰爲義疏頒行之卽是書也凡十二目五百條三十卷
前有永徽四年十一月十九日臣无忌等進書表文元至順刊

本題唐太尉揚州都督監修國史上柱國趙國公長孫無忌等撰並有泰定四年江西儒學提舉柳贊校刊序眉山劉有慶唐律纂例序此山黃冶子唐律釋文序每卷末附江西行省檢校官王元亮所撰釋文爲至正辛卯崇化余志安勤有堂登木蘭陵孫氏有重刊本此則餘姚邵晉涵爲文淵閣校理時所錄有文淵閣校理邵氏二雲印

大明律三十卷

明刊黑口本

首有洪武三十年五月日御製序曰朕有天下倣古爲治明禮以導民定律以繩頑刊著爲令行之已久奈何犯者相繼由是出五刑酷法以治之欲民畏而不犯作大誥昭示民間使知所趨避又有年矣然法在有司民不周知特飭六部都察院官將大誥內條目撮其要略附載於律使知遵守云次洪武七年刑部尙書等官劉德謙等進大明律表內稱惟謙以洪武六年十

藏書志卷十三

三

一月受詔明年二月書成篇目一準之於唐曰名例曰衛禁曰職制曰戶婚曰廩庫曰擅興曰賊盜曰鬪訟曰詐僞曰雜犯曰捕亡曰斷獄采用已頒舊律二百八十八條續律百二十八條舊令改律三十六條因事制律三十一條掇唐律以補遺一百二十三條合六百有六分爲三十卷云云按明史洪武初命儒臣詳定明律其篇目一準於唐至洪武廿二年始分吏戶禮兵刑工六律而以名例冠其篇首與此本相合上卷一之十二爲名例吏戶禮三律下卷十三之三十爲兵刑工三律先列律目次釋義次律條直引皆黑質白文以分眉目其第一卷名例律下有刑部街張氏校正總集一條殆經承刊賣之書坊也

右政書類法令之屬

營造法式三十六卷

影宋本

李伯雨藏書

通直郎管修蓋皇弟外第專一提舉修蓋班直諸軍營房等臣李

誠奉聖旨編修

誠字明仲試將作少監著續山海經古象說文等書乃博洽之士先是熙甯中編營造法式紹聖四年以所修本別無變造制度命誠別加撰輯乃攷究羣書并與人匠講說分列類例於元符三年奏上請用小字鏤版頒行奏旨誠自序二篇總釋總例二卷制度十五卷功限十卷料例并工作等三卷圖樣六卷目錄一卷陳氏書錄解題稱其遠出喻皓木經之上敏求記云魚山得之天水長公予從魚山購歸魚山又藏梁谿故家鏤本忽六丁取去獨此本流傳人間眞希世之寶後張金吾得述古影寫本張蓉鏡又從而影出者卷末有平江府今得紹聖營造法式舊本并目錄看詳共一十四冊紹興十五年五月十一日校勘重刊左文林郎平江府觀察推官陳綱校勘王喚重刊四行殆卽所謂錢本也長洲褚逢椿跋云明仲於徽宗朝官至中散

大夫于時良嶽臺榭之觀侈靡日甚戎馬北來銅駝荆棘南渡
偏安而臨安又新土木再度宏規紹興間平江卽鑄此書讀者
可作東京夢華觀也有宛陵李之邵藏書一印

右政書類攷工之屬

善本書室藏書志卷十四

錢塘丁丙松生甫輯

史部十四

宋崇文總目六十六卷

舊鈔本

直齋書錄解題云崇文總目一卷景祐初學士王堯臣同張冠卿郭續呂公綽王洙歐陽修等撰定凡六十六卷諸儒皆有議論歐公文集頗見數條今此惟六十六卷之目耳題云紹興改定朱彝尊跋云崇文總目六十六卷求之四十年不獲歸田後聞天一閣有藏本及讀之祇有其目當日之敘釋無一存焉樂平馬氏經籍攷述鄭漁仲之言以排比諸儒每書之下必出新意著說嫌其文繁無用然則因漁仲之言紹興中從而去其序釋也書籍自劉略荀簿王志阮錄以來不僅條其篇目而已必稍述作者之旨以詔後學若盡去之是猶存虎豹之鞬與犬羊

藏書志卷十四

何別歟錢大昕識云按陳伯玉所見卽是此本蓋南渡時館閣所儲記其闕佚以備采訪者標題紹興改定疑當爲攷定謂攷其闕否非有所更改也秀水朱氏謂因鄭漁仲之言去其序釋不知紹興之初漁仲名望未著又未爲館職此有目無說之本取便檢閱本非完書謂因夾深一言而去之失其實矣館臣從永樂大典中補輯分編凡三萬六百六十九卷較此原錄更臻核備矣

秘書省續編到四庫闕書二卷 鈔本

紹興年改定

直齋書錄解題秘書省闕書目一卷亦紹興改定其闕者注闕字於逐書之下又玉海紹興初改定崇文總目秘書省續編四庫闕書又云紹興十七年鄭樵按秘書省所頒闕書目錄集爲求闕記七卷當卽此本書目凡錄三千八百餘種按秘書省在

杭城吳山之麓元改行中書省明爲市政使司當時秦燿主提調始從事於此耳末有隆慶辛未閏月讀三復傳錄一過并識包山陸治又有道光癸巳李兆洛題記

衛本昭德先生郡齋讀書志二十卷 錢遵王鈔本

門人姚應績編

四庫著錄者凡志四卷後志二卷皆公武撰考異一卷附志一卷爲趙希弁續輯公武姓晁氏字子止鉅野人官數文閣直學士希弁袁州人宋宗室子江西漕貢進士秘書省校勘始南陽井憲孟爲四川轉運使家多藏書悉舉以贈公武乃躬自讐校疏其大略時方守榮州故名郡齋讀書志後書散志存瀋祐間鄱陽黎安朝守袁州因令希弁卽其家所藏書目刪校益以附志而重刻之是爲袁州本也此二十卷本校袁州本收書倍之解題亦多至數倍乃公武門人姚應績所編南充游鈞守衢州

時所刊傳也前亦列公武自序兩篇並有杜鵬舉黎安朝二序
後有淳祐己酉游釣刻置信安邵齋小記白紙墨格楷書清整
洵述古堂舊籍有錢曾之印遵王兩印

直齋書錄解題二十二卷

盧抱經校藏巾箱本

宋陳振孫撰

振孫字伯玉號直齋安吉人嘉定四年爲溧水教授歷官侍郎致仕家居修吳興志討摭頗詳子造嘉興通判直齋嘗仕於莆傳錄夾漈鄭氏方氏林氏吳氏舊書至五萬一千一百八十餘卷且倣讀書志作解題湖錄云聞朱氏竹垞言書錄解題常熟毛氏藏有半部宋槧本亟訪之託言轉售玉峰不獲見惜哉竊從通攷彙鈔之亦哀然二冊大約馬氏收羅殆盡未必有所遺棄四庫館輯自大典卷一易類卷二書類詩類禮類卷三春秋孝經語孟經解讖緯小學類卷四正史別史編年起居注類

卷五詔令僞史雜史典故諸類卷六職官禮注時令諸類卷七
傳記法令二類卷八譜牒目錄地理諸類卷九儒學道家類卷
十法家名家墨家縱橫家農家雜家類卷十一小說家類卷十
二神仙釋氏兵書恩象陰陽家卜筮刑法類卷十三醫家類卷
十四音樂雜藝類書類卷十五楚辭總集類卷十六七八別集
上中下類卷十九二十詩集上下類卷二十一歌曲類卷二十
二章奏文史類凡五十有六類各詳其卷帙多少撰人名氏且
爲品題其得失云有盧文弨弓父手校印

遂初堂書目一卷

舊鈔本 汪魚亭藏書

宋尤袤延之

袤無錫人紹興十八年進士官至禮部尙書諡文簡宋史有傳
李太史燾云延之嘗曰吾所鈔書今若干卷將棄而日之飢讀
之以當肉寒讀之以當裘孤寂讀之以當友朋幽憂讀之以當

藏書志卷十四

三

金石琴瑟其篤好有以也此目經分九門而經總類載舊監本杭本京本江西本高麗本已開兼收並蓄比較版刻之風史分十八門子分十二門而譜錄一類今四庫目卽仿之集分五門綜書三千二百餘種楊萬里有爲袁作益齋書目序名雖異實則同也此本前惟太末毛开平仲一序後惟魏子翁陸友仁二跋卷端有汪魚亭藏閱書一印

子畧四卷目錄一卷

明鈔本

何夢華藏書

高氏似孫續古

似孫又號疏寮餘姚人淳熙十一年進士歷官校書郎出倅徽州遷守處州著有刻錄史畧疏寮集此子畧首目錄次漢志次隋志次唐志次庾仲容子鈔馬總意林次鄭樵通志藝文畧皆削其門類存其書名畧注撰人卷數於下前有自序有何元錫印夢華館藏書印兩朱記

子畧四卷目錄一卷

明翻宋本

高似孫續古

前有自序書雖明翻亦不多覩有呂雄高氏季迪何喬聯記堂書諸印

文淵閣書目四卷

舊鈔本

錢竹汀藏書

少師兵部尙書兼華蓋殿大學士臣楊士奇等

前有正統六年六月二十六日士奇及行在翰林侍講馬愉侍講曹鼐請用寶題本一通後錄朱彝尊跋末有錢大昕手識云文淵閣書目編號凡二十每號分數廚貯之凡七千二百五十六部首御製實錄次六經性理經濟次史家次子家次詩文集次類書韻書姓氏法帖圖畫次政刑兵法算術陰陽醫方農圃次道書佛書而以古今地志終焉其中或一書而數部又不著卷數於撰述人姓名時代亦多缺畧故秀水朱氏譏其牽率已

甚致卷首載正統六年題本稱永樂十九年自南京取回書籍
向於左順門北廊收貯近奉聖旨移貯於文淵閣東閣臣等逐
一打點清切編置字號寫完一本名曰文淵閣書目請用廣運
之寶鈐識永遠備照庶無遺失則此目不過內閣之簿帳初非
勒爲一書如中經簿崇文總目之比必以撰述之體例責之未
免失之苛矣有錢大昕印朱記大昕字曉徵號辛楣一號竹汀
嘉定人乾隆十九年進士官至詹事府少詹事

內閣藏書目錄八卷 鈔本

右目卷一聖製部典制部卷二經史子三部卷三集部卷四總
集類書金石圖經部卷五樂律字學理學奏疏部卷六傳記技
藝部卷七志乘部卷八雜部畧注撰人姓名官職書之全闕而
部類參差殊鮮端緒末葉記云萬曆三十三年歲在乙巳內閣
敕房辦事大理寺左寺副孫能傳中書舍人張萱秦焜郭安民

吳大山奉中堂諭校理并纂輯其時內閣已稱爲中堂亦稽古之一端也有愛餘堂珍藏印

百川書志二十卷

蕭山王氏手鈔本

前有嘉靖庚子夏五自序題百川子古涿高儒子醇撰於志道堂又識云追思先訓曰讀書三世經籍難於大備亦無大闕爾勉成世業勿自取面牆之歎予對曰小子謹書紳至今音容迴隔遺言猶在愈勵先志銳意訪求數年間連牀插架難於檢閱間中次第部帙大分四部細列九十三門裁訂二十卷云云每書之下畧敘簡要不冗不漏可爲成法王漁洋居易錄曰高儒者武弁也家多藏書有百川書目黃俞邵周雪客徵刻祕本書目高儒百川書志二十卷注云儒涿州人志其家藏書如晁公武之例其歷爲名家所稱道如此有端履手鈔印

萬卷堂藝文記一卷

舊鈔本

汪鐵樵校藏

隆慶庚午八月中秋東坡居士睦樸自序曰余宅西建堂五楹
儲書其中倣唐人法分經史子集用各色牙籤識別經凡十一
類六百八十部史凡十二類九百三十部子凡十類一千二百
部集凡三類一千五百部編爲四部人代姓氏各具撰述之下
余喜收書然無四方之緣不能多見多致大梁又自金元屢經
兵燹藏書之家甚少間或假之中吳兩浙東郡耀州澶淵應山
諸處或寫錄或補綴蓋亦有年所得僅此信積書之難也庚午
秋日出曝編記云云按睦樸字灌甫號西亭周定王六世孫萬
厯五年舉宗正領宗學事事蹟附見周王澶傳別撰易學識遺
授經圖經序錄此則所藏書目也後經汪鐵樵騎尉士驤以朱
筆校正鐵樵錢塘人官城守千總咸豐辛酉杭城陷殉難兩浙
忠義錄有傳

是書爲山陰祁承燦所編此則贖翁原本每葉十六行上截載書名下截分兩行載卷冊撰人姓氏藍格竹紙版心刊淡生堂藏書目更有澹生堂經籍記贖翁手識山陰祁氏藏書之章子孫世珍等印前有郭子章周汝登沈淮李維楨楊鶴馬之駿商家梅錢允治姜逢元陳元素管珍朱簞諸敘跋且摹其書而鈐以圖章焉並有贖翁自序贖翁父名汝霖字秋宇國子生弟名承勳號爾雅庠生官陝西布政司都事長子名駿佳字季超崇禎戊辰選貢次子名鳳佳字德公增貢三子名彪佳字幼文以進士居臺諫歸營寓園於梅里順治二年六月貝勒統師駐杭遣使渡江齎復貂聘明遺臣卻聘而自殉後諡忠愍四子名象佳字翁艾國子生其姪曰象佳字子祥天啓丁卯舉人官吏部司務曰熊佳字文載崇禎庚辰進士官兵部給事中一門羣從政事文章不可謂非藏書之食報也既而時移物換季超專心

宗乘遺書隨人取攜忠惠之子理孫班孫重遭家難遠戍塞外
寓山別墅捨爲佛屋二百餘年猶留當日書目可不寶哉趙谷
林意林二徵士祁氏之甥也嘗訪其遺書僅得十數部拾其曠
亭一篇補築於小山堂中吾鄉藏書之風肇之小山而小山實
承曠園之餘韻予先世居柯亭近寓山掃墓之間偶訪淡生堂
遺址而田夫野老無一可語者因就是而識之

千頃堂書目三十二卷

舊鈔本

泉州黃虞稷俞邵所錄皆有明一代之書經部十一類爲易爲
書爲詩爲三禮爲春秋爲孝經爲論語爲孟子爲經解爲四書
爲小學史部十八門曰國史曰正史曰通史曰編年曰別史曰
霸史曰史學曰史鈔曰地理曰職官曰典故曰時令曰食貨曰
儀注曰政刑曰傳記曰譜系曰簿錄子部十二門乃儒家雜家
農家小說家兵家天文家歷數家五行家醫家藝術家類書釋

家道家集部八門則別集制誥表奏駢賦詞典制舉總集文史也每類後附宋金元人之書殆補三史藝文之闕故不及五代以前撰著大學士張廷玉等奉撰明史藝文志往往據以採錄則其賅瞻可知矣俞邵於崇禎末流寓金陵家富藏書至今遺籍流落人間得者視同球璧金陵朱氏家集云南仲公朱廷佐入吳郡庠與周忠介友善南渡後面折馬阮不求仕進手寫古今書目爲黃俞邵龔衡圃所得以備史料十頃堂書目蓋卽參取南仲公書目而成公之原書不可得見特附記之

絳雲樓書目一卷附靜惕堂藏宋元人集目

舊鈔本

前有樵李倦圃老人曹溶題記二則是目爲陳少章定本不知誰氏各綴考證於書目之下

讀書敏求記一卷

精鈔本

鮑以文吳小谷藏書

也是翁錢曾遵王

藏書志卷十四

七

卷端有吳玉璠手記曰是鈔爲知不足齋藏本癸巳夏鮑兄舉以贈予昔竹垞太史乞鈔於也是翁小胥與以金不應脫所衣青狐裘益之先子乞鈔咸淳臨安志於花山馬氏予錢二萬經半年乃得半部復予錢二萬始允借鈔前輩愛書如此今藏書家如市兒說合矣世風不古卽此可證丙申春仲小谷跋有小谷吳玉璠兩郎閱錢氏家變錄歸元恭與遵王書云牧翁之於足下非特骨肉之親所謂翼而長之者也有事則覆庇之平日則提挈之不意足下負心反噬迫索多金逼柳氏以縊足下亦何顏偷生視息於人世哉一時公約不能掩惡述古堂書雖美富究曷貴乎書經鮑吳兩家收藏存之故在此不在彼也小谷爲尺牘先生之子致復之弟乾隆庚寅順天舉人歷官貴陽府同知 四庫館開小谷獻書數百種特 賜佩文韻府一部

首源主人手編

是編仁和姚際恆撰際恆字立方號首源縣諸生此書前有康熙乙未夏杪錢塘姚之駟序稱予世父首源先生束髮受書已能沈酣故籍乃一生坎壈兀兀窮年惟手一編枯坐先世既有藏書乃復搜之市肆久之而插架者與腹笥俱富矣暇時錄於簿籍子小子寫爲副墨云末附收藏宋元版書目凡數十種

隋經籍志攷證三卷

寫本

計周生藏書

會稽章宗源

宗源字逢之山陰人少聰穎不喜爲詩文中順天乾隆丙午舉人以對策博瞻發科益好學積十餘年采獲經史羣籍傳注輯錄唐宋以來亡佚古書盈數篋自言欲撰隋書經籍志攷證書成後餘皆糟粕可棄也此僅史部一種徵引繁富唐以前古籍賴以攷見又凡隋志所未著錄者亦羅列無遺是不獨爲隋志

攷證已也舊藏鑑止水齋中有漢各臣奏事條附一牋補唐武
后臣軌所引一則卽周生筆也

右目錄類經籍之屬

金石錄三十卷

明梁氏鈔本

何義門校藏

宋趙明誠撰明誠字德父密州諸城人知湖州軍事嘗自序此
錄云歐陽公集古錄惜其尙有漏落又無歲月先後之次思廣
而成書於是訪求二十年上自三代下迄隋唐五季內自京師
迄於四方遐邦絕域所傳君史以來古文奇字大小篆分隸
行草之書鍾鼎彝尊敦簋鬲盤杆之銘詞人墨客詩歌賦頌
碑志序記之文章名卿賢士之功烈行治至於浮屠老子之說
凡古物奇器禮碑巨刻所載與夫斷章斷句磨滅而僅存者因
次其先後爲二十卷則又攷其異同參以他書爲金石錄三十
卷云次政和七年劉跂序次明誠室李易安後序次開禧改元

趙不譚跋次成化九年吳郡葉仲盛甫志卷末有葉國華手跋
云金石錄近無刻本是木爲先文莊公鈔藏復經先大父手輯
一過不知何時散逸頃從吳興書賈高價售之還我舊物先公
云遇此善本如獲寶玉今小子得之則不啻傳家之天球河圖
矣後之人其實藏之崇禎癸未仲秋晦日六世元孫國華百拜
識又何義門跋云金石錄三十卷崑山葉文莊公故物首尾二
紙則公手所自書余收得吳文定公寫本書亦皆然乃知前賢
事事必有體源貴乎多見而識之也康熙乙丑五月何焯記甲
午余在京師心友書來則又收得吳文定叢書堂本矣并以識
之有何焯之印呬瞻貞志堂孫氏煦初收藏金石圖籍之章張
謹夫圖書印子子孫孫永寶用坐葉山房諸印

金石錄三十卷

舊鈔本

前有東武趙明誠自序後有李易安跋并開禧趙師厚成化葉

仲盛兩跋有寶研主人珍藏函雅堂藏書印敦寬堂印并何義門太史校本一條中亦有殊筆記云錢啓室自記云前十卷借文休承宋本可知渡校之精矣

金石錄三十卷

趙氏小山堂鈔本

汪氏振綺堂藏書

此爲趙谷林意林兄弟鈔錄館本謂長洲何焯錢塘丁敬校者差爲完善敬身屢客趙氏必經討論當不至如壯月之誤爲壯丹者又有汪魚亭藏閱書一印

法帖音釋刊誤一卷

鈔本

參知政事陳與義奉敕校正

與義字去非洛陽人登政和三年上舍甲科官至參知政事事蹟具宋史本傳此奉敕校正劉次莊淳化閣帖釋文而作也前有進表云右臣先准御前降到法帖一拾卷并釋文一冊付臣校正臣將劉次莊所釋子細尋究其誤者改之闕者補之亦有

次莊妄以意釋臣雖疑之而不能曉其何字者皆存之不敢妄改臣學書不廣不能仰副使令伏望睿鑒云云鈔手精工頗豁心目

法帖釋文十卷

舊鈔本 朱笠亭藏書

謹案 四庫提要劉次莊字中叟長沙人崇甯中嘗官御史曹士冕法帖譜系臨江戲魚堂帖劉次莊以家藏淳化閣帖十卷摹刻其上除去卷尾篆題而增釋文曾敏行獨醒雜志云次莊自幼喜書嘗寓於新淦所居屋窗牖牆壁題寫殆徧臨江郡庫有法帖十卷釋以小楷他帖所無也觀二書所記則次莊之作釋文本附注石刻之中未嘗別成一集此本始後人於戲魚堂帖中鈔合成帙而仍以閣本原第編之者也云云此鈔本題西楚戴時選簡庭氏訂前有洪武四年泉郡守古任常性序云草書之法隸體之變也非楷非行讀者每病其難博古君子釋其

字之難者而爲之釋文亦既刻之石矣泉郡庠舊有涪化帖而釋文闕焉因命鋟梓以廣其傳後有笠亭朱琰識云釋文本宋劉次莊所撰向刻之石而泉郡守常性始刻之木也篆書楷書行書俱不釋祇釋草書慮讀者之難通故耳茲本依法帖次序全書之小注頗有所訂正且碑本盈尺縮之不及寸以備觀覽于古人公私簡牘可以想見風致亦藝林所不可闕也則與提要所言暗合矣有樊桐山房琰笠亭一編文字一爐香各印笠亭海鹽人有詩集

法帖釋文十卷

明翻宋本

右爲百川本之一卷十後有太宗皇帝嘗遣使購募古先帝王名臣墨帖集爲十卷涪化三年冬詔刊之後大臣登二府皆以賜焉歐陽脩云往時禁中火災焚其版或云尙在但不賜元祐四年臣得本於前金部員外郎臣呂和卿命工模刻之後二年

復取帖中草書世所病讀者爲釋文十卷並行於時所以上廣
太宗皇帝垂意訓示天下後世之學者耳元祐七年五月十有
九日前承議郎臣劉次莊謹題

隸續二十一卷 日本翻刻本

宋洪适撰适字景伯鄱陽人皓之長子紹興壬戌中博學鴻詞
科官至尚書左僕射同中書門下平章事諡文惠宋史有傳是
書前有乾道三年弟守中書舍人兼直學士院兼同修國史實
錄修撰邁序稱吾兄於隸古之習手追心摹今三十餘年得所
藏碑百八十有九譯其文又述其所以然爲二十七卷曰隸釋
又曰隸續又曰隸韻又曰隸圖亦旣釋之而又得之則列於廿
七卷以往曰隸續云隸續乾道戊子始刻十卷於越卽弟邁所
跋淳熙丁酉范成大又刻四卷於蜀後二年己亥德清李彥穎
又增刻五卷於越喻良能跋之明年庚子尤袤又爲刻二卷於

江東輦其版歸之越合爲二十一卷适自爲跋印本散失已久
朱彝尊先後得其殘帙參合成編後刊於揚州此則日本文化
甲子奧田元繼所序梓也

絳帖平六卷 舊鈔本

前有嘉泰癸亥五月九日番陽姜夔堯章自序云我太宗皇帝
造淳化帖十卷自後潘洵書師旦刻於絳絳帖傳至今者潘刻
爲勝絳公庫本次之厥後漫滅屢經補治甚至字畫乖謬嘗以
相校乃知其有三四本也友人朱子大以絳帖遺余歸而玩之
因爲之本事釋文名曰絳帖平案曹士冕法帖譜系潘駙馬帖
析居石分爲二絳則公庫得其一於是刻補餘帖是名東庫本
以日月光天德山河壯帝居太平何以報願上登封書逐卷分
號今夔所論每卷字號與曹譜合則所釋者乃東庫本向佚十
四卷而清綺齋書目獨二十卷豈國初時卷帙猶全耶此書

有冰雪工琢鏤一印卷心有弁陽山房四字當從原本而出

寶刻叢編二十卷

舊鈔本

宋錢塘陳思纂次

思字芸居臨安人設書肆於睦親坊棚北大街時稱之爲陳道
人所撰小字錄前有結銜稱成忠郎緝熙殿國史實錄院祕書
省蒐訪常不誣也紹定二年崑山翁爲之序曰余無他嗜惟書
癖殆不可醫臨安鬻書人陳思多爲余收攬散逸叩其書顛末
輒對如響一日以其所粹寶刻叢錄見寄且求一言蓋屢卻而
請不已發而眎之地世年行炯然在目嗚呼賈人鬻書於肆而
善其事若此可以爲士而不如乎撫卷太息書而歸之又直齋
陳伯玉序云都人陳思讀書於都市士之好古博雅蒐遺獵忘
以足其所藏與夫故家之淪墜不振出其所藏以求售者往往
交於其肆且售且讀久而所閱滋多望之輒能別其真贋一旦

藏書志卷十四

十一

盡取讀書所錄輯爲一編以今九域京府州縣爲本而繫其名物於左昔人辨證審凡之語具識之又有孔山居士序此魏稼孫以海豐吳氏本校勘者

名蹟錄六卷附錄一卷

舊鈔本 汪魚亭藏書

崑山朱珪纂輯

珪字伯盛自號靜寄居士洪武九年樵海老叟秦約文仲甫序云伯盛極精篆隸眞草尤善篆刻凡朝廷制誥詞命與公卿大夫遺民逸士道宮僧寺碑誌墓碣及山水題名尺牘往復亦所不遺歲月滋久積以成帙顏曰名蹟錄蓋取穆天子傳中乃爲名蹟於弁茲石上之語云云卷一神詔祭文聖書之屬十二篇卷二碑銘十四篇卷三記十七篇卷四墓表一篇墓碣五篇行狀一篇墳志二十三篇卷五墓誌銘二十三篇卷六雜刻二十六種末爲附錄則贈言也其文多關攷證末有成化二十二年

三月廿一日吳郡朱存理性父跋又隆慶戊辰四月二十四日
錢穀鈔於淩江舟中今檢其目已佚其半蓋齋室手錄時已如
此矣此振綺堂從而摹出之本有汪魚亭藏閱書印

名蹟錄六卷附一卷

徐虹亭鈔本

馬笏齋藏

崑山朱珪纂輯

此書未有朱存理錢穀記字二條有虹亭鈔本舊史徐鉉余風
老人三印鈇字電發號虹亭晚號楓江漁父吳江人康熙癸巳
召試博學鴻詞授檢討又有藍色本記曰道光甲午歲武原
馬氏漢唐齋收藏書籍鈐有馬玉堂印笏齋購此書甚不易後
人子孫弗輕棄諸印

金薤琳琅二十卷

明刊本

太僕少卿吳郡都穆

穆字元敬宏治己未進士官至禮部主客司郎中加太僕寺少

卿是書仿隸釋之例取金石文字蒐輯編次凡周刻二秦刻六漢刻二十三隋刻五唐刻二十七皆錄其原文其剝落者更以洪氏隸釋諸書補之各爲辨證

元牘記二卷

舊鈔本

羅鏡泉藏書

秣陵盛時泰

此爲羅鏡泉以智所藏其中鈔補皆羅筆也卷前并記云時泰字仲交上元貢生性愛山水結精舍於攝山之左時跨一青驢欣然獨往常過姑蘇攜兩賦謁王元美元美贈詩有遂令陸平原不敢賦三都之句三日內遍和元美擬古詩七十章元美爲之氣奪著有蒼潤集蒼潤爲文徵明題蓋以仲交善畫倣倪雲林因取沈石田題倪畫筆蹤要是存蒼潤之句以名之是記與四庫書目著錄題名不符觀自序則元牘記之名乃彼時所題也有江東羅氏所藏印

蒼潤軒碑跋一卷續跋一卷

舊鈔本

魏稼孫校

秣陵盛時泰著

嘉靖丙辰自爲前後序魏稼孫錫曾以周季貺藏本校其上有跋一則云嘉興李遇孫金石學錄盛時泰著蒼潤軒碑跋續跋二卷時泰上元人所紀金陵六朝諸蹟爲多王漁洋香祖筆記謂其家多藏書書副葉上必有字或記書所從來或記他事往往盈幅皆有鈐印吳山夫得其手跋魏上尊號受禪二碑稱爲佳蹟有錫曾校讀印稼孫又號鶴廬仁和人官福建浦南場大使深於金石之學著有續語堂碑錄開成石經圖考金石萃編校補諸書

法帖釋文攷異十卷

影鈔本

武陵顧從義編并書太原王常校

從義字汝和上海人嘉靖間以善書入直授中書舍人隆慶初

以預修國史成擢大理寺評事此乃專釋道化閣本法帖裏集諸家所刊辨其異同毫髮必審模刻精工初印本流傳甚罕此則影寫者也大字每集十八行行十九字前有太原王穉登序寒山金石時地攷二卷

舊鈔本

蕭山十萬卷樓藏書

明趙均靈均編

均一號墨邱生吳縣人爲宦光子故署寒山前有萬厯己未自序云余家先代名人攷索如黃伯思東觀餘論祕監中宣和書譜鄭漁仲金石畧朱長文墨池編歐陽修集古錄洪景伯漢隸釋我明文善承金石總要葉文莊公家藏碑目弁州先生金石跋語以及內府書目天下書目中所載參以近代間出如耳目觀記者爲之編次郡省作立時代以人係時以時係地觀者易明求者易按云云末有蒙叟撰靈均墓志銘卷尾題嘉慶十有九年歲在甲戌展重陽日錄成時年八十六鈴兩印曰石倉曰

臣澁豈吾鄉之莫柳州邪耄年細楷精妙絕倫可珍也有翠雲
塢南野草堂蕭山王端履年四十歲後所見書諸記

唐碑帖跋四卷

舊鈔本

沈鳴野藏書

明周錫珪再錫槧

錫珪字禹錫會稽人所載自唐太宗高宗中宗睿宗元宗武后
及虞世南歐陽詢至僧亞棲一百十三家又南唐楊凝式一家
皆錫珪所見唐碑各爲一跋 四庫人之存目末有東浦沈大
章子遠氏校一行又是書從杜季孝廉家借鈔嗣後爲金蘭臣
借閱間有墨筆校字卽其手筆小雲巢主人識有八瓶書堂印
石墨鐫華六卷附錄二卷

明刊本

盤屋趙岫子函著

岫萬厯乙酉舉人家近漢唐故都多古石刻時以擅椎摹拓又
迄宦游之友各以塌本寄貽積三十年所蓄碑版彌富欲於歐

趙所錄之外刊其全文貧不能刻但刊其跋尾自夏周以迄金元凡二百五十三種附訪古遊記三篇詩三十三章既自爲序而陳祖綬康萬民又加序卷端

金石文字記六卷

翁同龢校本

前有東吳顧炎武自序云余少時卽好訪求古人金石之文比二十年間周遊天下所至名山巨鎮祠廟伽藍之跡無不尋求登危峰訪竊壑捫落石履荒榛伐頽垣畚朽壤其可讀者必手自鈔錄得一文爲前人所未見者輒喜而不寐遂抉剔史傳發揮經典頗有歐陽趙氏二錄所未具者積爲一帙序之以貽後人此本經翁覃谿朱墨校勘并手題云亭林至華陰在康熙十六年丁巳時年六十五矣此書當是其晚年所作其燕公于志甯碑一條翁注云是碑凡三千餘字卽以銘內下武膺運一語亦足見唐初尙知周雅下武之義而北宋已失其解矣如此等

有關經義者豈可忽諸又夏日游石淙詩并序久視元年五月
一條翁注云此石驗石刻不書五月而云律中蕤賓蓋武后僞
周改用周正以建子爲歲首至是年始復改用建寅爲歲首故
書蕤賓以明其爲五月唐人文字斟酌如此贈歙州刺史葉慧
明碑國子太學生口口口八分書一條翁注云此是韓擇木書
九經字樣臣覃顧云官銜缺十字一條翁注云缺守尚書右僕
射兼門下侍郎凡十一字不得以九經字樣卷首自題之文爲
證也自題結銜省文耳鄭恆暨夫人崔氏墓志銘顧云此卽今
世所傳崔鶯鶯者也年七十六有子六人與鄭合葬此銘得之
魏縣土中足辨會真記之誣一條翁注云明關西胡侍野談近
內黃野中掘得鄭恆墓誌乃給事秦貫撰其敘恆妻則博陵崔
氏世遂以崔爲鶯鶯余按會真記雖謂鶯鶯委身於人而不著
名氏鄭恆之名特見於西廂傳奇蓋烏有之詞也世以墓誌之

名偶與烏有之詞合而鄭恆之配偶與鶯鶯之氏同遂以墓誌之崔爲鶯鶯誤也況會真記止云崔氏孀婦將歸長安不言博陵又無緣葬在內黃且墓誌之崔以大中九年正月十七日病終享年七十有六邇其生當在德宗建中元年庚申若鶯鶯之生會真記以爲甲子歲乃興元元年少庚申四歲墓誌屬續之期蓋得於鄭氏家狀會真記設幌之歲蓋得於鶯母自言並不應少誤鄭恆之配殆別一崔氏也餘尙有數條不贅載是不得以近刻而置之有日講官掌詹事一印

武林石刻記八卷

稿本

首卷 御書碑題二卷以後分城內外南北諸山石刻全錄原文并載碑身尺寸其中麻刺葛佛碑題詩尙是顏樊桐徵君手錄則尙是稿本也爲錢塘倪山夫濤所著山夫以貢生官遂安司訓著有六藝之一錄凡分六集第一集金器款識二十四卷

第二集石刻文字一百六卷第三集法帖論述三十八卷第四集古今書體一百二卷第五集歷朝書論四十卷第六集歷朝書譜九十六卷合四百六卷又續編十二卷序之者梁文瀛汪惟憲厲鶚汪師韓趙一清并自序此書經金侍郎姓進入四庫原本偶流京師版肆百計搜之終不能全此亦在四百六卷之中當時已別行故府志載其目

武林金石記殘本

稿本

爲丁敬身隱君所著敬身名敬一字硯林號鈍丁晚自稱龍泓山人篤好金石文字刻印爲本朝之冠工詩有硯林詩集前有瓊花街里人趙一清記事一篇又有其子魯齋丁傳記事一篇所載諸刻皆隱君摹刻葛窮幽極險而撫得之者今則尋繹文字較量尺寸注明處所勒成一編庶不沒其登陟之勞蒐羅之苦云李敏達撰西湖志碑碣一門卽以此爲藍本

小蓬萊閣金石目八冊

稿本

黃易著

小蓬萊閣在西湖雷峰塔下明黃貞父先生汝亨讀書之所其裔孫樹穀號松石世其家學篤嗜金石子易字小松號秋庵錢塘國子生官山東運河同知繼之在濟甯時凡嘉祥金鄉魚臺間漢碑悉搜而出之而武氏祠堂畫像尤多所見漢石經及范式三公山諸碑皆雙鉤以行於世此目自三代秦漢魏晉六朝隋唐宋遼金元金石遺刻皆排比其目注所在之地所撰之人實事求是不同影響特著於編焉

金石錄補不分卷

稿本

崑山葉奕苞九來著

海昌蔣生沐光煦別下齋叢書此帙已刻入凡二十一卷前有自序一通凡例八則婁江錢穀有序甯都魏禧又序云九來先

祖父文莊公性嗜古廣搜金石文千餘軸遭亂廢失其先君水部公宦游所至又輯之乙酉丙戌又廢九來思繼祖父之學求得墨碑百本漸欲搜訪以補趙氏之遺所謂湮而未盡者必有人焉爲之補救而接續者非歟九來勤學好古有名當時前年舉博學宏詞既報罷益自喜歸而搜訪古人名跡益勤可以知九來矣此鈔本未分卷有趙誠夫一清墨筆鮑以文廷博朱筆校補之語暇當排比而寫足之

泰山石刻記一卷

稿本 魏稼孫藏書

陽湖孫星衍編

此淵如觀察初稿前有題云秦泰山石刻爲世所珍觀歐陽修與劉跂所稱則爾時毀缺已多顧自宋迄今又幾七百年而始燬於火何其久歟顧炎武謂唐刻之存亦惟岱嶽觀雙碑及元宗時磨崖則前後之磨滅不可識者不知凡幾與夫人之功德

欲壽之於石而石有時而動也然而石固不以是爲存亡也有
曾窺未見書一印

石目錄類金石之屬

史部十五

史通二十卷

萬歷張之象刊本

唐鳳閣舍人彭城劉子元撰

子元本名知幾避明皇嫌名以字行弱冠擢進士第遷鳳閣舍
人間元初官至左散騎常侍坐事貶安州別駕卒於官唐書有
傳是書前有景龍四年子元自序內篇皆論史家體制辨別是
非外篇則述史籍源流及雜評古人得失嘉靖間陸文裕公所
刻蜀本錢遵王著錄於讀書敏求記而惜其補注因習曲筆暨
識四篇殘脫疑誤無從是正此萬歷五年雲間張元起之象得
梁溪秦中翰汝立柱家藏宋本因爲鈔版盧抱經學士云何氏

鐘以朱氏影宋本校張之象本知張本無大乖舛在郭本之上
惟以羣書拾補按之曲筆篇中安可言於史耶下有一百九十
九字脫在鑒識篇中自大史之曲筆誣書起至盜憎主人之甚
乎止則遵王所稱殘脫疑誤者大段不外是矣

史通訓故補二十卷 盧抱經校本

北平黃叔琳崑圖補注

唐劉知幾史通二十卷明陸深著史通會要三卷李維楨著評
釋二十卷王維儉著訓故二十卷 本朝浦起龍著史通通釋
二十卷石黃叔琳所著乃補王維儉訓故所未及較起龍之好
改原文者猶屬謹嚴卽於原書疑古惑今之類亦頗有糾正前
有自序此帙抱經先生以華亭朱氏影鈔宋本並馮己蒼過陸
儼山何義門過張之象校本錄改有數間草堂藏書盧文弨字
紹弓范陽盧氏文弨讀過諸印

東萊先生音注大唐文鑑二十四卷

明刊本

承議郎行祕書省著作佐郎騎都尉賜緋魚袋臣范祖禹撰朝奉郎行祕書省著作佐郎兼國史館編修官權禮部郎官臣呂祖謙注

祖禹字潛父華陽人原書十二卷後分而爲二也凡摘唐事標題繫以論斷敷陳剴切是以蔡氏鐵圍山叢談云祖禹子溫遊大相國寺諸貴璫見之皆指曰此唐鑑公之子人以書傳其爲見重如此明刊不一版此似緝麻沙坊本前有進大唐文鑑表又上太皇太后表及祖禹自序

唐史論斷三卷

精鈔本

朝散大夫尚書刑部郎中充天章閣待制兼侍讀上輕車都尉賜紫金魚袋孫甫之翰撰

甫陽翟人宋史有傳前自序謂唐舊書煩冗遺畧多失體法用

編年之體次序君臣之事自康定元年修是書至嘉祐元年勒成唐紀七十五卷勸戒之切而意遠者著論以明焉論九十二首觀者毋忽不止唐之安危當爲世鑒矣唐紀不傳僅存此論後綴曾南豐所作行狀節文云公歿有詔求其書又經進隆平集節文及寄之翰古詩又紹興二十七年鏤版公牒并司馬光題跋張敦頤後序歐陽文忠所作墓志節文蘇東坡答李方叔書節文

經幄管見四卷

舊鈔本

宋兵部侍郎兼國史院同修撰曹彥約撰

彥約字簡甫都昌人淳熙八年進士寶慶元年入對勸理宗防近習進讜言此殆侍講筵時所作大旨皆本太祖太宗眞宗三朝寶訓而闡明之旁證經史之語而歸之於法誠自不失啟沃之職

李侍郎經進六朝通鑑博議十卷

南唐李

汪氏振綺堂藏書

侍郎李燾

前有紹熙三載秀國陳之賢序又乞尚史學劄子并三國晉南北朝隋唐系五圖六朝建都六朝攻守二圖劄子後有畢萬裔宅刻梓於富學堂木記似出於麻沙版刻也南州彭元瑞讀書跋尾謂仁父此書爲南宋而發非爲六朝也與李舜臣江東十鑑錢文子蜀鑑同意欲用襄蜀以規復中原故借古事以指今勢宋當是時襄蜀皆無恙襄爲兵衝蜀爲財府東南之所託命其後元旣陷蜀降襄而臨安隨之是誠謀國之著蔡而慷慨激烈望其君相之奮發有爲則忠臣義士之用心也洎嘉熙用兵厥子季章迎合韓侂冑以取參政觀序論所云將勇而賢乃欲以郭俦輩當之亦不善讀父書矣可爲論議是書之正鵠也有汪魚亭藏閣書印

類編皇朝大事記講義二十三卷中興講義一卷

影元鈔本

黃甲省元肇慶府學教授溫陵呂中講義省元國學前進士三山
繆烈南泉蔡柄編校

是書臚北宋九朝事迹以類相從凡政事制度百官賢否論其
治亂得失是與宋史志傳文獻通攷發明參證中字時可晉江
人淳祐七年廷對第六人官國子監丞兼崇政殿說書徙肇慶
教授卒於主管成都玉局觀前有淳祐丁未迪功郎前興國軍
教授劉寶甫序末附中興講義一卷尙闕三卷目錄前有標題
云呂府教舊遊庠序慣熟國史因資治通鑑摘其大綱分爲門
類集爲講議場屋用之如庖丁解牛不勞餘刃昨已刊行取信
天下學者有年矣今舊版漫滅有妨披覽重加繕梓視原本大
有徑庭幸鑒觀首署黃甲省元等名乃麻沙翻刻備場屋之書
耳愛日精廬別著大事記九卷中興大事記四卷爲千頃堂舊

藏較此頗多刪節

永嘉朱先生三國六朝五代紀年總辨二十八卷

舊鈔本何夢華藏書

是書不著撰人名氏文獻通考載紀年統論一卷紀年備遺一百卷永嘉朱黼撰雖卷數不符當即其人黼字文昭平陽人縣志載隱居南蕩山終於布衣嘗受業於陳傅良傅良有止齋論祖黼亦研心史事前有開禧丁卯吳奐然景仲序云魏君仲舉比求到永嘉朱先生三國六朝五代紀年總辨循通鑑按前史而爲之辨論辭語警拔侍郎葉公適亦稱此書事理融會今昔貫通上可發前人未盡之蘊下可爲學者進取之階况當靈旗北指諸君封侯之秋此書尤當汲汲講貫之也魏仲舉乃建陽書賈五百家注韓柳文集卽出其家開禧丁卯正韓侂冑兵敗之時競進之士方講北征故摘紀年備遺中割據戰伐之二十八卷以備程試答策之用耳卷端冠有三國兩晉南北朝五代

世系與地理攻守諸圖舊爲何夢華鈔藏有何元錫印

舊聞證誤二卷

宋刊本

毛子晉張丹霄藏書

秀巖李心傳伯微甫

井研官工部侍郎博通典故諳習舊章爲南渡史學之冠此書於所見私史小說有踳駁之處皆摘取而辨論其誤宋史藝文志載書凡十五卷自明以來佚失已久館臣從永樂大典蒐輯百四十餘條析爲四卷南昌彭元瑞知聖道齋讀書跋尾云宋人雜記傳說最多而宋史極繁冗以此證之則年月事詞牴牾者夥原書先舉舊聞後申證誤今逐條校注信爲言宋事者萬不可少之書朱竹垞嘗有志重修宋史曾舉宋人著述足資史事者數十家亦列李心傳名蓋指朝野雜記若繫年要錄及此書則竹垞所未見也此則原刻卷一卷二兩帙耳尙五十餘條全書果出必不止百四十餘條也有子晉汲古主人聖雨齋愛

日精廬藏書張月霄印諸印

舊聞證誤四卷

舊鈔本

袁壽階陳仲魚藏書

宋李心傳撰

是書流傳久絕館臣從大典中採輯一百四十餘條釐爲四卷
猶得三之一可與宋殘本並證其異同耳有五硯樓袁廷檮印
壽階海甯陳鱣仲魚圖象得此書費辛苦後之人其鑒我諸印
小學史斷二卷續一卷附通鑑總論一卷

明刊本

豫章南宮靖一纂述廬陵晏彥文續著陽節潘榮總論

靖一字仲靖自號坡山人有端平丙申暢月長至自序云經
以載道史以載事事不離道道不外事孔子作春秋實倡斯旨
遷回而下載事而已本朝伊洛大儒與門人論史始發明此意
范氏唐鑑出於程門者爲多朱文公綱目而後古今之大經大
法燦然如指諸掌余讀史撫卷而歎因與兒輩論之取先儒之

說與前史之文其合於道者收焉離於道者削焉區區一得之說亦竊附其間題之曰小學史斷亦欲使兒輩讀不差其所向云原書上起周平王下迄五代虛陵晏彥文續著宋元二代明嘉靖二十六年嘉興府知府關中趙瀛文始爲授梓而以陽節潘榮通鑑總論附焉

史學提要一卷

鈔本

朱盱江黃繼善成性甫撰

其書始自上古下迄宋末以四言韻語編貫諸史以便童蒙記誦惟繼善既題宋人宜以五代爲止而未及宋亡且稱德祐幼主降於大元殆後人增續歟

唐宋名賢歷代確論一百卷

明宏治刊本

錫山錢孟潛刊行

此書起自三皇終於五代所採諸家論著皆至北宋而止其書

蔣宏作蔣洪尙避宋宣祖廟諱則作者在理宗以前也前有宏治十七年禮部尙書兼翰林學士長洲吳寬序云錫山錢孟濱出自江南大族好爲義舉以此編不能家有因刻以傳世然不言何人所撰近刊又題爲錢福撰者殆書賈豔福官脩撰而託名歟

十七史纂古今通要十七卷後集三卷 影元本

新安前貢士胡一桂庭芳纂要後集番陽董鼎季亨纂

前有大德壬寅自序史學遷固以來其書汗漫遂爲纂要一編始三皇訖五季紀事則提其要注事則該且詳關涉民彝世教必反覆論辨自入溫公通鑑一祖文公綱目及先儒論斷亦附已意與同志之論以便初學又有地理世系等十三圖舊有熊勿軒未一序已佚去惟又有大德壬寅江南行臺監察御史汪良臣一序云司馬公作資治通鑑復作稽古錄朱文公稱其言

如桑麻穀粟又曰可備經筵宮僚進讀小兒讀六經了好令接讀錄要之書不可少如此今良臣於是書亦欲竊比朱子之言耳錢遵王讀書敏求記卽引用汪序語而館臣遂引錢說以著提要殆未見良臣原敘後集三卷昭文張氏有影寫元刊本乃括金宋兩朝事迹繫以論斷以續胡書歟

通鑑博論三卷

明萬歷內府刊本

甯王權奉敕編

按權自號臞仙太祖第十七子封甯王前有洪武二十九年九月十七日進書表及是年五月初九日甯王序後有永樂五年及萬歷十四年兩跋此書版寬字大爲明內府所刊讀書敏求記載此書云下卷圖格中獨於至正二十六年丙午廖永忠沈韓林兒於瓜步大明惡永忠之不義賜死魚山云此蓋甯王奉聖祖意特標此一段以垂示千萬世不然安敢以開國大事自

不藏書志卷十四

五

立斷案乎予謂沈於瓜步記其地也大明惡永忠之不義痛絕之也後賜死明當時未破厥辜而後終以此正其罪也此非甯王之書法而聖祖之書法也德慶一案盡此二十一字中又何他辭之說歟

新舊唐書雜論一卷

舊鈔本

陳仲魚藏書

明茶陵李東陽賓之著

右摘唐史事蹟辨其是非所論太宗明皇之事爲多後有松陵楊復吉記云西涯新舊唐書雜論懷麓堂集所不載假吳文槎客藏本讀之樹義明快堪與范滄甫唐鑑並峙有海甯陳鯨觀長印

學史十三卷

明嘉靖刊本

無錫邵寶國賢著

右學史邵文莊傳錄羣籍研窮有得載筆而藏諸者也一寅二

卯至十爲亥十一爲子十二爲丑以象月又餘其一以象閏卷
三十章或虛其一以象月之有大小而日之曰日格者取伊川
今日格一物明日格一物之意也嘉靖戊子蘇熟虞山陳察爲
序張繼芳爲跋蓋先梓於黔此梓於潮也

楚漢餘談一卷

舊鈔本

古邳高岱著

目録爲陳平以策干羽公孫伯強諫范增關吏論保關中項伯
諫羽殺沛公蕭何薦韓信宰父諫漢王隨何使九江韓信請爲
假王任邱生諫韓信謁者諫僞遊雲夢凡十篇前有郝曠翁引
云楚漢餘談一卷京山高岱著仿國策而文氣簡勁則不肖亦
于鱗素使對白起之類也高長史著作之佳者在鴻猷錄此外
亦枝葉鱗爪耳殆從談生堂本錄出者

歷代正閏攷十二卷

舊鈔本

秀水沈德符景倩父著

德符明舉人家世仕宦習聞國家掌故且及見嘉靖間遺獻著有野獲編三十卷清權堂集二十二卷是書前後無序跋卷一三皇五帝唐虞夏商卷二周卷三戰國秦楚卷四西漢東漢蜀漢魏吳卷五西晉卷六東晉南朝卷七北朝卷八隋卷九卷十唐五代卷十一宋遼金卷十二元各附以僭偽諸寇簡要詳明朗若列眉洵史才也

養正圖解全卷

明刊本

前有萬曆二十五年九月初八日題奉聖旨覽奏知道了所進養正圖解留覽并賜了前有旨皇長子體質清弱不耐久勞講學書籍候循序漸進以副朕眷愛之意禮部知道次翰林院修撰儒林郎焦竑謹序稱歲甲午命皇長子出閣講學竑以職事叨從勸講之後竊以理涉虛而難見事微實而易知故今古以

通之圖繪以象之朝誦夕披而觀省備焉竊採古言行可資勸
試者著爲圖說名曰養正圖解輒錄上廡以俟裁定自寢門視
膳至借事納忠凡六十事繪圖者丁雲鵬書解者吳繼序皆一
時知名之士尙有祝世祿一序已佚儀徵阮氏撫浙時錄以進
呈其實天祿琳琅已先著錄矣明史焦竑傳稱皇長子出閣
竑爲講官竭誠啟迪嘗揀古儲君事可爲法戒者爲養正圖說
擬進之同官郭正域輩惡其不相聞目爲賈譽竑遂止今觀前
載論旨及序文則已奉留覽俟再攷之

史糾六卷

舊鈔本

朱明鏞撰

明鏞字昭芑太倉人其書糾三國志至元史書法之繆與事迹
之牴牾實從鉤稽而致非自鈔撮者比也

右史評類

藏書志卷十四

三

善本書室藏書志卷十四終